

ՀԱՏՈՒԿ ԹԵՄԱ. ԼՈՒՄՆԻ ՊԱՇՏԱՄՈՒՆՔ SPECIAL TOPIC: MOON WORSHIP

Դեռևս սկսած *Շումերից* (մեզ հայտնի ամենահին քաղաքակրթությունը) լուսնի պաշտամունքը եղել է Հնագույն Մերձավոր Արևելքի ամենամեծ տարածում գտած դիցաբանությունը: Այս առասպելն ուներ թե՛ արական և թե՛ իգական կերպար: Սկզբնապես լուսնի աստվածը ծնվել է ցորենի աստվածուհու՝ *Նինիլից*, որին բռնաբարել էր *Էնլիլը*՝ երկնքի աստվածը: *Էնլիլը* վտարվում է պանթեոնից և իր արարքի համար դատապարտվում սանդարամետին, սակայն երբ *Նինիլը* հայտնաբերում է, որ ինքը հղի է, միանում է նրան: Երեխային՝ *Սինին* (կամ *Չին*) թույլատրվեց, որ ամեն գիշեր բարձրանա երկինք:

Լուսնի երկրպագությունը տեղի է ունենում լուսնի տարբեր փուլերի ժամանակ՝

1. նորալուսին – *Asimbabbar*
2. կիսալուսին – *Sin*
3. լիալուսին – *Nanaa* (Շումերական «լուսավորությունը» *En-su*-ից՝ «իմաստության տիրոջից»)

Այս անունները հիմնականում նշանակում են «իմաստուն տեր» (այսինքն՝ *Suen*) կամ «լուսավորում» (*Nanaa*), որոնց երկրպագում էին Քաղղեացիների Ուր քաղաքում: Քաղաքն ինքնին հաճախ անվանում էին Նաննարի քաղաք: Պտղաբերության զույգին երկրպագում էին գիգուրատներում (հարթ գագաթներով հսկա բուրգեր), որոնք գտնվում էին քաղաքի մեջ: Արևի աստվածը (*Shamash*) զույգի առաջնեկն էր, իսկ հետո *Ereshkigal* (սանդարամետի Թագուհին) և *Nanna* աստվածուհին (երկնքի Թագուհին):

Այս պաշտամունքը տարածվել էր ամբողջ Հնագույն Մերձավոր Արևելքով (ՀՄԱ), սակայն երկրպագության կենտրոններ էին հանդիսանում հետևյալ քաղաքները՝

1. Ուր
2. Խառան
3. Թեմա
4. Քանան
5. Մեքքա

Իրականում այս դիցաբանությունը համադրում է պտղաբերությունը աստղերի պաշտամունքի հետ:

ՀԿ-ը մերժում է աստղերի (տես՝ 2 Օրինաց 4:19, 17:3, 4 Թագ. 21:3,5, 23:5, Երեմ. 8:2, 19:13, Մով. 1:5) և պտղաբերության երկրպագությունը (այսինքն՝ Բահադի և Աստարովթի, Ուզարտական պոեմներում): Եբրայեցիները՝ բնիկ քոչվորները, շատ զգույշ էին լուսնի երկրպագությանը դիմադրելու հարցում, քանի որ ընդհանրապես լուսնի պաշտամունքը հատկանշական էր քոչվոր ցեղերին, ովքեր ճամփորդում էին գիշերով, մինչ արևին ավելի շատ երկրպագում էին նստակյաց կյանքով ապրող կամ գյուղատնտեսությամբ զբաղվող ժողովուրդները: Ի վերջո քոչվոր ազգերը ունեցան իրենց հանգրվանները և ապա աստղերի պաշտամունքը հիմնականում դարձավ խնդիր: